

Nemauso hæc teneat: de Busa usque Angoram, de Castello usque Sambiam.

Luteba hæc teneat: de Samba usque Rabaval, de Anges usque Montem Rufum.

Carcasona hæc teneat: de Monte Rufo usque Angeram, de Angosa usque Montana.

Elna hæc teneat: de Angera usque Rosinoram, de Laterosa usque Lamufam.

Hæc habet Notitia antiqua Narbonensis, ex qua prorsus fatendum est, cum apud eam Ucetia nulla mentio fiat, hanc tunc autocephalam fuisse: eaque forte ratio est propter quam dicitur Metropolis in alia Notitia veteri, quam eruditissimus Andreas du Chesne dedit ex bibliotheca clarissimi Philberti Du Sault, qua in Provincia Narbonensi sic legitur: *Castrum Uzetense, id est, Astituentium civitas Metropolis*. Nisi dixeris hanc Metropolim nominari, quod Constantius Uzeticensis Episcopus ab Hilario ^a obtinuerit, ut in locum ^a Hermis Narbonensis auctoritatem ordinandorum Episcoporum haberet: quod ^a Metropolitanorum munus esse nemo nescit. ^{Epist. 8.}

Aquæ Sextiæ Metropolis Narbonensis secundæ in Notitia Civili Provinciarum & Civitatum Gallia. Harum mentio fit apud Plinium ^b & apud Sidonium Apollinarem ^c. Sextiæque dictæ sunt à Sextio Calvino Saliorum domitore, qui primus urbem illam muro cinxit, ut apud Velleium ^d Paterculum dicitur: Sextiliæ Aquæ in Mario apud Plutarchum nominantur. An autem Metropolis Ecclesiastica fuerit civitas hæc, non ita clarè apparet in monumentis antiquis Ecclesiæ Gallicanæ. Proculo Massiliensi concessa est à Patribus Concilii Taurinensis auctoritas ordinandorum Episcoporum Narbonensis secundæ; cumque ipsi à Zosimo Pontifice Romano ablata est, qui ordinationes ab eo factas indebitas irritasque declaravit, eam auctoritatem ad Patroclum ^e Arelatensem pertinere scribit his verbis: *Unde Metropolitanus in te dignitatem atque personam, etiam Apostolicæ Sedis auctoritate considera: in quem fortivè locum pro indebita Synodo Proculus usurpatum irrepperat*. Et quis nescit Symmachum ^f decrevisse circa annum 414. in Epistola ad Cæsarium Arelatensem, ut si tam Ecclesiæ Aquensis Antistes, vel alius quilibet Metropolitanus Pontifici iuxta Canonum definitionem vocatus obtemperare noluerit, noverit subdendum se, quod non optamus, Ecclesiastica disciplina. Adde quod earum Præfules inter eos qui mera dignitate Episcopali potiebantur, & non inter Metropolitanos subscribant. Sic Auolus inter Glannatensem & Redonensem Aurelianensi quinto, & Arvernensi secundo inter Glannatensem & Diniensem, & Pientius inter Telonensem & Deensem Matisconensi secundo: unus Maximus post Ebredunensem Aurelianensi quarto subscribit, sed & post alios simplices Episcopos. Unde civitatem hanc Ecclesiasticam Metropolim, per sex priora sæcula fuisse, vix potest existimari.

Ebrodunum, aliis Ebredunum, & Ambronum civitas in Alpibus maritimis sita est ad Druentiam fluvium, earumque Metropolis Civilis dicitur in Notitia Provinciarum & Civitatum Gallia. Attamen hujus Episcopum ab initio Metropolitanam non fuisse discere est ex Concilio Regensi sub Cælestino Papa ^g, ubi Armentarii Ebredunensis electio, quod absque Metropolitanis voluntate facta fuisset, nulla declaratur his verbis: *Itaque ordinationem, quam Canones irritam definiunt, nos quoque evacuandam esse censuimus, in qua prætermisum irium præsentia, nec expetitis comprovincialium literis, Metropolitanis quoque voluntate neglecta, prorsus nihil quod Episcopum faceret ostensum est*. Postea tamen Metropolitanæ dignitatem auctoritatemque obtinuit, ut ex Epistola Hilari Papæ ^h ad Leontium, Veranum, & Victurum discitur: *Frater, inquit, & Coepiscopus noster Ingenius Ebredunensis, Alpium Maritimarum Provinciae Metropolitanus semper honore subnixus, in præjudicium suum, sicut adnexa*

XXI.

METROPOLIS
ET PROVINCIA
AQUENSIS.^b Plin. lib. 3.^c Sidon. Apoll.

lib. 3. carmine

^d Velleius Pa-

tercul. lib. 1.

^e Zosim. P.

Epist. 9. ad Pa-

troclum.

^f Symmachus

P. Ep. 11. ad

Cæsarium.

XXII.

METROPOLIS
ET PROVINCIA
EBREDUNEN-

SIS.

^g Concil. Re-

gense can. 2.

^h Hilarius P.

Epist. 4. ad Le-

ontium &c.